



鄰城

乾坤極目外燕趙片雲中
北郡沙千里西陵土一叢
草生紫陌殿樹隱赤橋
官舊日嬌歌處蕭蕭空晚風

曉發句容小雨

同鮑馬
二年兄

早辭句容館暮指石頭巔
曲嶺松成幄迴塘花欲然
雨隨征蓋冷雲向雜峯
懸天外幾仙侶行歌伐木篇

魏少穎年兄園亭

隔市開幽園穿池泛短航
花連雙玉樹煙護九琳堂
玄

覽追元古赤心切上陽龍書看未遠早使薊門康
對月懷小兒

彩舫銀海泊明月玉霄升家遠思王粲春深惱杜陵片
帆千里夢孤對一輪冰釋子若遙別懸懸何可勝

金陵

繫舸在江上整車趨石頭花分躍馬澗煙斷伏龜樓紫
禁園珠塢丹城抱玉流驅車看王氣天外一崑丘

懷延菴家兄

故里千山與兄三載違鶴鴿愁未歇鴻雁惜孤飛每
喜魏公糲誰分孔氏衣一官被羈束惆悵赤書稀

和合驛夜渡

驛吏杳不見篙工夜可憐依微看澹月寂寞度寒烟附
荻波蟲語逐蒲江鳥眠人家在何處林外一燈懸

舟行

時皇帝南巡故感云

江逐千山遠風吹一葉旋汀花迷白浪沙柳護青煙身
與龜龍狎心隨日月懸獨慙南國使問俗擬何先

金山漫述

渡江拍短棹選石拏孤航飛造金鰲閣坐臨玉鑑堂燕
山雲縹緲楚岳樹微茫汲點羞銅墨淹留一水鄉

驅車

風飄胡鴈冷春入晉陵遲財賦空疲縣兵戈只破籬黃
沙千里合白草萬家悲驅車愧荒飽無計荅瘡痍

閱軍

騎士合三衛轅門聽一麾鼙隨嚴鼓動虹逐戰旌移玉
劍懸飛將鐵矛舞健兒明年伏

天子斬虜靜燕支

宿王母祠

早發漢侯塚夜留王母祠過松驚睡鶴臨草狎遊麋衣
濕雲來近山昏月上遲老僧候天使石榻冷颼颼

南泉寺

許令邊
飲遇雨

窈窕三泉勝迴盤九色龍踏雲凌鳥道觸雨過雞峰客
至鍾聲急僧依松影重許渾能拉我文酒蕩塵蹤

歸州九灣亭

長途已苦惱積雨轉遲迴嵐氣冷先入猿聲秋自哀
窻一夜電翻屋九霄雷王事如可緩何能負嶮來

萬縣若夔東路峻過萬縣石壁寬平翠峯竹柳雲
屋水田宛如古洛陽人家之勝也感而小述

一秋憐路峻萬邑稍心安水積谿田潤雲留石屋寒柳
峯聞荏苒竹磴護琅玕只擬洛陽勝不歌蜀道難

琅玕館早行

星館寒燒燭霜旌曉拂蘿遲回三蜀去飄薄九秋過絕

嶺盤蒼石高江響白波天涯行不了日日柰愁何

望蟠龍洞飛泉

江頭綠葛上洞口為嵐封翠木翻金虎丹梯掛玉龍冷

光雲碍澄晴色雨淋峯人跡疑仙島行行第幾重

雨館夢先母紀之

入向天關去心從故國還雨澆紅樹塢水漲黑雲灣縹
緲遠嵩嶽岩堯過蜀山夢魂一萬里夜夜見慈顏

漢州入城都喜見平田有感

獨憐兩月走絕別萬山嵐高地疑燕北平田似汝南花
穠丹霧隱松密翠雲含強半魚鳧業疲瘡不忍談

蜀署苦陰

霜臺憐漢使風候苦巴川鳥向幽林集龍從暗谷眠四
時不斷雨千萬只含煙好覓媧皇訣重來補漏天

邛州

有感
郵報

溷鼠深崖匿神羊舊業微乾坤擔怨事晝夜躡危機霧
氣浸衣冷霜華拂鬢飛半生不稱意只待幾時歸

棲龍池有引

陽城之東有九女臺臺以左飛嶼壁斷列岫珠連削如
劍立森若戟攢洞口亂開人跡罕見唯有飛仙可到爾
圖畫縈迴燦乎金銀城也而四山之湊兩崖之交伊闕
上聳禹門孤懸有恠石不知其機丈許橫卧促駐於其
中雲拳電跳蛇文龜章手拂之滑膩如流脂已為方外
絕秀矣轉步下倪得水一泓名曰棲龍池者蒼然玄然
清然冷然盤渦伏流竒成於天琬液瓊漿其可食人大
早祈禱洪霖輒應或以萬石投之咆咆轟轟暗響移時
杳莫探其底極君子以為歸墟之壑也僻邑窮郊誰其
爾知如昔賢所品於江南諸水者畧弗及之蓋所謂李
蜜未見秦王爾故可以觀才矣喻子同孟子小谿王子
及泉登焉竟晚眺賞寔難忍割蓋若此池以予輩相為
知已云故漫述

仙侶雲中合，飈輪塵外馳。蜃翻臺作水，蛟擘石為池。迴
嶂崑崙色，飛流渤海支。迢遙人探歷，從此有相知。
蛟文橫斷石，虹影落層空。雲護靈虛殿，寒生神運宮。四
時晴帶雨，千谷靜含風。人在蓬壺處，心飛魏闕中。
好風吹桂闥，列馭度芝田。玉海從雲落，金波在石懸。近
山無赤地，遇早有青天。靈氣千年在，古碑空暮煙。

律詩 七言

大明宮早朝上壽

月轉西山回曙色，星懸南極動雲璈。千年瑞鶴臨丹地，
五色飛龍繞赭袍。閭闔闔闔開香焰，裊裊崑崙臺接珮聲高。
詞臣解撰中興頌，還喜瑤宮薦玉桃。

候朝

雲護蓬萊九色光，鷄人虎士立巖廊。香分寶鴨薰長樂，
水滴銅龍響未央。五夜含風丹旆動，千官拂露紫衣涼。
喜逢

北極開言路，好向西臺學奏章。

陵上

蒼梧丹鳥神光合
薊水燕山王氣騰
珍殿九原雲浩渺
瓊峰萬壘勢崢嶸
漢家空泣麒麟樹
秦地誰多翡翠陵
聖代寢園龍脉遠
兼逢

堯舜正中興

夜雪

帝里忽驚移歲華
王公深愧辟公車
到京客久黃金盡
近榻風多素幔斜
銅馬門西深伏枕
鐵牛祠北靜啼鴉
異鄉千里愁人處
向夜蕭蕭飛雪花

報虜退

旄頭夜望六星微
三晉飛傳仗帝威
人向野田收戰骨
軍開山壘脫戎衣
龍沙塵淨天兵散
鹿塞煙消虜馬歸
亂後中原莫忘却
漢庭只索斬酋非

望西山

沈兄約遊西山苦熱而
止忽焉晚眺悵然述懷

郊原悵望入蓬瀛
霞外晴開碧玉屏
王氣迥臨豺虎國
靈雲只護鳳凰城
天浮嵐影明燕市
日放炎暉擁漢京

酷暑高朋空有約三山登眺切苟生

冬至

懷同郡三四和已

早向銀城玄圃遊忽驚玉管素灰浮燕關雪霽彈琴峽
汝水雲平懸瓠樓獨客寂寥思鴈度寒梅在苒惜花柔
迢迢知己在何處十二連城空自愁

西湖岳墳

武林山水泣英雄宋室翻騰數已窮河北征旗風破碎
天南行殿霧溟濛忠魂不散一鉛筩殺氣長橫九曲叢

獄卒何人猶向義秦家

戎

姑蘇

秋風鵲渚浪花浮曉日蛇明雲氣幽萬艇排城爭拍棹
千江夾市各分流金觴酒泛花迎客玉管聲回月滿樓
却憶層臺宴西子斷雲荒草使人愁

臨晉

迢遙候吏不聞喧倚劍何能答帝恩霜下空原凋木葉
風迴孤塚送禽言飛沙不炷蘼蕪嶺勒馬時過荊棘村

忽憶晉文空霸業桑泉寂寞自啼猿

神烈山謁陵

沐髮丹江凌素秋小臣飛度閱江樓金陵雲護蒼龍嶂
玉匣光含白虎丘兩漢陸沉空霸業六朝割據不皇州
明家瑞應千年事龜歷綿綿起石頭

水榭堂

吏散亭空白日靜單袍薄履青天涼觸牖松風來浙瀝
隔簾鳥語鬪鏗鏘人閑每憶春風嶺身弱長和王女漿
三十年來空放浪秋雲冉冉過南塘

芮城

獨鴈橫空海上來朔風驄馬下蓬萊黃沙渺渺葡萄谷
白日蕭蕭松杪蒼臺馬放空山傳虜去囊留破甲羨軍回
濁河套裏妖氛斷萬里中原愁色開

解梁

秋鴻寥落度寒林山舍蕭條喧玉砧玄女洞高雲浩渺
白龍祠古晝陰森劍光一放琉璃匣殺氣四飛虎豹岑

晉國迢遙幾千里驅車莫負圖書心

行臺

草樹蕭條凍水涓觀風使者日驅馳論心只在三山處
戀國寧忘一飯時潁頊城西有虎豹蚩尤村北走狐狸
參差人事愁來迫羞澁無能答御墀

武安王祠

曆數飄零不在劉楚江空自哭髯侯赤宮未羨麒麟閣
碧殿長縈虎豹丘金甲一生隨漢主寶刀千古摩蚩尤

忠魂渺渺乾坤遍凍水條山只故遊

解州寺塔

西風獨泛菩提場髮塔凌空俯解梁秋盡荻花開晚色
霖清栢葉散寒香獼猴江險金針定鸚鵡林深玉相光
十二白虹何處所月支迥望正茫茫

夕夢朋舊

一別淮西萬里行簿書潦倒晉王城谷鶯坐樹嬌不下
海燕棲梁幽自鳴芳草只從人跡駐流雲獨向客愁生

交遊夢入蘭臺夕起聽山家吹玉笙

倚氏志懷

郇伯城孤煙火迷魏徵祠近葦花堤霜飛官閣書初潤
風射寒林鳥自啼縹紗家連平楚北寂寥人在太行西
思親夜夜驚魂夢雲遙關山樹遶溪

龍門山

物外誰尋滅度根凌虛獨欲眺中原樓懸峯頂雲橫起
石跨波心雷倒翻浩渺自連碧落處岩堯只接紫微垣
聖朝今日歌虞舜擬有黃龍出禹門
淒淒草落晉陵霜誰道狼星冬尚強胡騎晝飛驚北塞
邊書夜報急西梁水寒空對鼉鼉國天遠愁翻虎豹場
安得靈波遊奕將為君早獵左賢王

稷山

飛沙凌亂撲征帷朔氣遙連白鵲旗水急漁舡留凍浦
山空獵網掛寒籬觀風只到羲和塚訪古空過後稷祠
聞說單于侵內郡將星不見使人悲

登汾陰祠看黃河

水帶山環黃柳臯寶樓珍殿赤霜袍太寧宮裏雲長好
元氣津頭風自高漢武東來龍蹟斷宋家西幸鳳書勞
千年勝事今塵土日極崑崙萬里濤

夜渡揚子江

夜靜潮來浪拍船夢魂渺渺半空懸海神乍觸白龍怒
江伯狂噴赤鯉涎雲帶片帆迷楚嶽煙連孤棹失吳巔
一官飄薄犯天險慚愧王陽三十年

河北

迢遞關河淑景移鐵驄日日弄金羈山連春草明孤閣
路夾晴花擁故枝渤海營西雲氣冷潮河川北鳥聲悲
瑤禧瓊祚千年事虎將天生定不遲

河南

鷺車龍劍愧長驅汝水河邊汴水隅煙帶來麥苗迷野壠
風含柳莢淨沙衢千村糶穀忘家計八郡掄兵為國圖
每使

至尊憂御幄何當飛戟了強胡

大名

驛樹半開花半明
蘭舟日日望瑤京
煙生水市猿孤嘯
風急山村鳥亂鳴

北極聖人將破虜
南來天使旋挑兵
獨憐邑里無供給
撫几掀髯海月橫

清泉

九河浩渺一帆橫
客裏尋春悵望生
水館寒花迷楚澤
津樓晴樹接燕京
雲凝珠闕三階迥
風靜銀濤萬里平
返照木蘭猶未泊
定如天上跨龍行

臨清

乘舟逐日泛驚瀾
孟館姚墟渤海端
紫纜高牽沙路遠
碧帘斜掛水村寒
春酣鳥雀巢芳樹
雲起魚龍上急湍
一望滄滄何處所
瑞煙繚繞是長安

德州

感先母昔年過
此述以寫哀

此生夢境元倥偬
春水泛泛天孫東
龍影弄濤千葉外

風聲動地孤帆中
桂江回首白雲杳
蓬海極目青山空
苦憶慈親十年事
于今落寞啼孤鴻

初春

九澤窮陰喜乍晴
一番淑景對分明
雲擎楓陛開黃道
春點蘭堦艷綠英
野馬不忘燕路迥
天風只羨汝河平
歲華在苒空忙遽
煙外鶯聲拂柳鳴

雪後

簡天津劉兵憲
白石年兄二首

日色波光晃玉花
鳴榔挾柁向京華
盧龍河近開三島

丹鳳城高接九霞
浩渺水含天使宅
參差樹繞健兒家
欲從勝友為佳會
促膝論心柏影斜
朔方戎馬尚縱橫
杳杳行蹤渡口晴
岸柳自迎雙鷁泛
沙禽只傍一帆鳴
雲開翠浪窺鮫屋
風掠黃塵過虎營
羞澁無能為獻納
鐵冠何以荅金明

松陵

跨舟獨泛夫差國
問俗遙乘木屨風
震澤春深花遶縣
洞庭雲盡日臨空
化翫每憶蒲亭吏
集鳳誰如榆次功

懷古不堪對銅墨奔馳愁向海門東

春風送客蜺江樓風去雨還客未休
角里村荒饒賦稅
洞庭山遠半公侯
汲生自抱滎陽耻
漆女空懸魯室憂
驛傳勞勞人不寐
釣舡冷落在滄洲

卧佛寺

感鄭大夫子產

雕鏤一榻萬仙園
長睡年年叫不歸
慧閣春凝金羽鴈
禪關塵斷玉輪機
人依飛塔雲光冷
目極荒祠樹影微
渺渺惠風元不散
鄭歌千古到僧扉

清明

舟上憶朋舊

誰煮楊花傍野棲
燕山楚澤思淒淒
蒼波帶霧歸瑤海
白鴈橫雲叫玉溪
霄漢故人三闕近
蓬萊高士萬山迷
可憐倚棹春岑寂
細草青青半曲堤

黃河

海浮星宿度崑崙
秦晉雙崖擘巨靈
鐵豹嶺頭雲漫漫
金龍渡口水青青
波中誰碎千年壁
天上自飛五老星
此去長安看尚遠
紫雲丹靄護彤廷

長集文集
一
卷二
四十一
濬縣橋

寄謝郭衛輝年
兄撥舟遠送

高朋遙別三川署雲鷓星橋二月時春在鶯花嬌客浦
波橫鳧鳥亂漁籬關河已隔滄洲夢霄漢長懸翠輦思
深謝分舟風義古飄飄何日到天池

襄陽有感水荒

簡陳呂
二侯

持斧漸於燕路遠觀風繞度楚江門疎村零亂含煙色
塌屋參差帶水痕羅國城空秋鴈叫習家池冷暮雲翻
金襄不得司空手魚鱉洶洶未忍言

夷陵短述

簡薛劉
二守

三湘秋宴天初冷九月風高人自行雲上石房隣虎結
霞邊山地倒牛耕桂林花落誰知掃楓葉禽啼不辯名
極眺楚鄉已蕭索只教苗寇莫縱橫

大佛龕

踏雲自愛蓬萊景倚幘忽過日月灘花覆白毫光電電
松園赤肉淨團團陰森古洞含金色迴合高峯峙玉闌
獨憶瞿曇委形外不勞雕鑿到江干

巴臺雜詠

金神按節促銀鞍
巫峽巫山秋已闌
樵屋結從峯樹杪
釣棚開向渚花湍
田稀賦稅人何賴
邑遠循良吏獨難
塵走一番渾夢景
郵亭日日愧征餐

秋館迢迢迷斷霞
風濤日日撼清巴
千巖萬巖半天處
十里百里幾人家
省語樵童依橡葉
江行估客泛蘆花
從來魂夢不經此
何事凌虛肅漢槎

馳傳勞勞愧息機
秋深山迥老鵬飛
高峯五馬雲沾轡
密樹行人露點衣
灑灑嶺嶸玄浪遠
我肩窈窕白雲圍
獨憐荆楚煩供給
安得長籌報御闈

瓊樹蕭森玉露團
高臺疲倚木闌干
江圍城闕芙蓉淨
石接雲霄瑪瑙寒
十二碧峯懸望眼
八千玄路駐征鞍
天涯自分羈臣事
楚嶽高丘不忍看

濯錦橋平望渺茫
飛鸞閣暖自淒涼
蜀山西擁樓臺碧
江水東流日月黃

九陛幾年憂倦谷
三巴此日困麻陽
無能為主謀籌策

旅食悲歌空斷腸

青羊宮 如戴撫
公召

開府遙開西郭門江橫臺殿擬崑崙青羊故蹟雲光遠
紫玉仙宮松影繁元氣自含三十幅真傳只在五千言
當時不為函關令那使飈輪到蜀藩

凌雲寺

孑舟跨馬尋蓬瀛二水三岷宜性情鴈堂窈窕花半覆
牛洞峻嶒草倒生江響飛入碧琳几城陰橫連丹玉屏
不慙駑蹇按西極遙倚星辰瞻北京
般若臺連霄漢高跨江日日看漁舸岑參舊事留荒碣
郭璞遺蹤迷野嵩玉塔鳳飛青樹塢金身龍起黃雲濤
探元偶得論空相八萬四千虛塵勞

過灘

高江碛兀接崑崙急舸搖颺斷夢魂風亂驚迴音相宅
煙寒愁入太陰門過灘却與蛟龍鬪搖櫓渾如霹靂喧
繡斧不緣綸命蕭只携藥裹卧山園

舟夜

叙州作

拂夜凌風泛木蘭
迢迢水國傍雲湍
南林晻曖驚驅雀
北塢依微羨集鸞
明月江懸千里淨
法星天遠四時寒
衣裳虛佩銀章小
長嘯一聲天地寬

重慶

一片石頭二水環
天墉城闕破愁顏
逐家嵐氣生衣上
隔市江光入座間
鶯羽晴歌明月峽
橙林春點縉雲山
玉珍未必能當此
收拾

清朝擬重關

登涂山

同孟勞二侯
雨晴午眺

雲歸遙海日華圓
雨過長江木葉鮮
訪俗芝岩春渺渺
探元菌閣靜娟娟
山城迤邐千峯合
水市參差一鏡懸
但使相逢醫國毛
不妨愁鬢白如綿

眺定遠新遷縣治

天關遙遙

帝渥頒許遷荒縣
大江間濤光曲引
龜龍館峯勢重開

熊虎關丹殿青樓依勝蹟水城山堞破愁顏人家景象
翻然改只有清風舊往還

登保寧錦屏山

星輶日日泛雲岑閬苑稀聞鶴鳥吟漢主舊祠煙寂寞
桓侯遺塚柏陰森城頭半入青天影江面雙懸翠玉簪
縹緲長安空悵望病來何以答
君心

至公堂

同藩臬周揚
黃胡四侯

白兔深宮秋色淨丹衣橫坐月華高芝英蘭英收塞曲
龍玉虎玉獻江臯明目只懸開水犀公心不管鬱輪袍
辟書大節鬼神在空用當年三字勞

偶荅任忠齋太史

任字
少海

嘯桐吟竹鳳皇伯玉署金閨驟裏姿喜與太初澹來往
羞將少室論高卑三峨山水蘭微靜四蜀煙霞蕙帶宜
釣罷任公出瑤海龍書天上不須辭

號咷

號咷天地思無涯素幄蕭蕭愧白華一片夢魂還似霧
三年變事不成家風飄鸚鵡迷金鎖露下芙蓉墜玉花
舊日慈顏看不見從教零亂只含嗟

觀魚

湖上依依黃柳懸湖中暗暗丹魚旋人倚麟洲靜撒網
風含鳳竹秋捎舡煙波乍驚釣徒賞古澤遙思漁父篇
浮家泛宅自竒事道情飛入鴻濛川

送郭三川刺寶慶

西風走送度支郎銅虎新符

玉皇早向故林論道義每於瀛海見循良燕山人去秋
車冷楚水雲連古路長卧理淮陽驅汲黯徵書不久下
明光

望清馥宮壽辭

太素

殿名

峻嶒接太虛光連清馥照宸居江山靈護千秋

節霄漢香分萬卷書

花名

銀蒜珠簾懸

帝館翠旌黃鉞擁仙車小臣作頌為

皇壽燕鎬橫汾總不如

送吳兩室督學湖南

用韻

露華霜采映征衣別館蒼蒼君驪裏飛風去湘江知浩渺
雲連楚嶽望依稀金闈名艷流丹闕玉劍光寒拂翠微
况是興都天溼重好收英彥報鰲扉

冬至

星躔風候如飛流忽忽冬至含獨愁帝里陽生翠微合
天門朝罷青煙浮暖光漸帶摘星領日色徐下披雲樓

淹迹若形駉馬署空餘華髮違滄洲

夜聽孤鴈哭母

高雲孤鴈叫江干親去冥冥見面難衣薄風歸思綿舊
堂空月轉哭機殘深秋虛榭花光隱遙夜飛霜木影寒
血淚淫淫不忍駐神情安得擬丁蘭

何處聲聲遠漢橫夜闌孤鴈向南征啼痕猛與哀鳴切
別緒翻從斷羽生天外形容成幻物霜邊牢落擬愁城
紫芝白雀終何意目斷星光和月明

靈几

慈顏一去夢魂稀
愁入愁腸擬自迷
風帶殘香飄寢北
煙連澹月轉臺西
姜肱被薄三更冷
蕭放庭空二鳴啼
靈几依依長抱恨
遺囊不忍見芝泥

乘夜納涼懷母

夜靜風微暄氣開
火龍繞下玉蟾臺
山堂不動星河轉
水竹欹迷煙霧來
簷下睡兒仍懶慢
郡中邏卒尚遲回
獨憐往日清涼處
落寞冥于今秋正哀

清明謁先壟

桐華榆莢護春渠
遊子當春思有餘
微雨亂飛千樹暗
高原兢轉萬花輿
煙橫蠶室通靈館
雲繞牛崗接太虛
寂歷松楸時悵望
不堪回首漫躊躇

淑景

花雜鶯嬌弦子墟
小亭深坐意何如
歷官愁作麒麟植
媚學羞乘鸚鵡車
霄漢高名還為國
乾坤元氣總歸書
可憐淑景空流水
努力長驅尚不虛

立秋

城邊鴉散日初出海
上鴻歸聲乍聞萬木
含風秋色動
百花承露冷光分
壽堂澹泊依三釜
天闕迢遙見五雲
撫景獨憐迎素節
不須潘岳嘆遊氛

露坐

倚竹烹茶送夕陽
對花談劍撫星茫
江城夜半銀河冷
野圃秋分玉露香
風在丹林驚一葉
人從玄窟見三皇
幾年孤寂心無事
唯有月明向草堂

星河已出帶天轉
草樹初昏下露遲
逸氣凌霄人倚劍
好懷當夜月臨池
牕閑獨誦鷓鴣曲
世難空歌騷裏詩
事業半生猶未見
掃苔坐石碧參差

雨夜

陰雲浩渺橫山閣
細雨溟濛啼夜烏
冷席幼兒爭笑語
春燈老母坐歡娛
人閑每擬菴生賦
家弱長調傅氏駒
冉冉歲華疾于電
不妨強飲醉屠蘇

喜霽

新停滯雨情初好閑倚高齋日未曛鴻鴛春歸風物靜
薜蘿煖放歲華分道心落寞憐青草病骨蕭條對日雲
長嘯一聲心萬里幾時振步謁明君

小園

瑤局金壙何處尋小園聊適山人心桃花梨花白日爛
猿叫鶴叫蒼雲深晏坐高齋靜如水橫琴亂石幽比岑
一甌春茗喧濁外扶病放歌八鳳吟

日暮

隔簾坐榻窺書懶買石得雲幽性宜日近暮山喧宿鳥
風連晴圃動踈枝在家每切循陔志為國寧忘倚柱悲
靜裏一番心欲曛竹叢聊對籜龍兒

江郭

殘角踈砧江郭晴高人孤坐靜無聲蕪葑辭葉霜初下
蟋蟀迎寒夜不鳴風入蛾眉長信殿秋歸虎旅受降城
乾坤苦蹟憐如許獨倚闌干對月明

草堂

閉門習靜當玄鏡對竹看花俯碧流
鶴眠松晚夢崑丘飛霞半屋春光淨
小石連階野事幽
病裏只貪佳勝處草堂日日坐銷憂

秋郊

秋晚郊原白日冷天高鴻雁黃雲翻
枯菴迎霜似落魄
殘稻帶日疑燒痕人跡不堪悵望處
大聲尚在蕭條村
古來三旱竟何解抱病無力踰天閭

峇西亭藩府

嵩丘北聳洛河東劉向文章漢室空
塵斷書連青玉几
月明歌動紫瓊宮九霄飛鶴心還靜
千里神駒氣獨雄
可喜太平風物好葵葢頗擬寄詩筒

陳無為

偶逢太華扶搖子深愧塵寰虛薄名
蒼水鴻濛人自別
素臺澹泊月空明霞邊靜駕木羊去
物外閑聽石鶴鳴
擾擾尚平愁未了幾時携我過蓬瀛

觀音堂

郊門步賞過珠林菩薩崖寒秋氣深白映雕軒光浩渺
翠連綺井木陰森九霄煙接珊瑚炬五色雲擎鸚鵡岑
人外大悲空有閣茫茫何處學無心

重九後過畫崗舅氏

因以足舊贈春聯投老
蓬莊留日月之句云

山人初別高颺館風馭閑過角里家投老蓬莊留日月
放懷蘭野弄煙霞亭高相對飛仙嶺海近頻看若木花
甥舅十年今兩會倒杯只到夕陽斜

汪節推北上

一補刑官馳使節三年妖蜮斷層淵
龍虎臺幽卿月懸春起江鴻高拂漢風回驛柳靜含煙
星軺去去明光早報績還推列郡先

壽閭新蔡令君

問善
丹學

鴻鵠修翎飛萬里驂駟遐步出三巴
葛令邑中煉白砂霜色寒連豫州樹
波光晴泛汝陰花
迢遙目斷崑崙上宴集年年醉九霞

有聞

吳集文集 卷二 五九
連年抱病尋醫藥聽雨看雲思帝州胡騎久從東勝牧
漢家空為北陸謀秋高赤羽驕飛檄風起黃沙暗戍樓
臺省倉然論不定翻勞

天子自生憂

病居

十年奔走落風塵人外聊將白鶴馴虛閣寒生沙搯竹
短簾晴對石池蘋病多不在尋靈藥分薄何勞惱貴人
迂子不知吟蟋蟀幾回橫劍拂玄旻

泛嵩陽湖上對酒乘月漫述

煙開水露鬱迢迢拉客看花興自饒翠樾高軒圍錦樹
紫泥團海泛瓊艘風微酒入秋波淨月澹歌連夜色嬌
清樂原來勝殊錫金章玉鼎竟飄飄

述懷

陽門赤氣幾時橫西北洶洶寇未平築壘疲兵空倚戟
沿河猾虜結為營漢家不得嫖姚將胡塞誰聞霹靂聲
聖主中興原有策書生容易莫論兵

讀周月山乃翁守元先生傳二首

紫遊不染風塵色玄識能探天地根
渥水和雲生駮駟漢陽洗骨上崑崙
煙開每見丁公鶴塵斷猶聞角里村
可笑凡籠迷慧劍野狐擾擾向誰論

繳父壺公空著名幾人塵外學長生
大還絕世依湘水孤嘯凌虛動楚城
金鳳林深紅日淨王龜臺冷白雲平
仙人一去無消息只有鳧雛江上鳴

精舍贈人

驅馬凌風辭曙郭高秋幽賞到雲端
郊原漸渺蓬莊靜煙霧橫飛草閣寒
鶴向青山調玉羽蛟從玄海弄珠瀾
傳經看汝追劉向振藻石渠擬不難

泛龍津湖

半郊游氣接江干隔市尋春過別灘
城帶翠園千木曉水浮青閣四時寒
蘭舟小泛依花榭桂酒徐斟傍竹闌
人在習池權不極月華飛上海雲端

客思

瞿塘五月斷征槎
花棟芹泥燕子嬌
西灤東屯山勢渺
碧桐翠竹暑痕消
杜陵客思常湮鬱
王粲家音久寂寥
何日業緣繞
脫屣行歌坐嘯答清朝

掄材堂

同藩臬四侯

閭闔風吹江海秋
同心執鏡照江頭
雲連玉壘高鴻鴈
月過銀霄燦斗牛
韜柳文章三日選
遊久龍動業一簾收
劍門魂魄終無據
取勝還應自握籌

重慶龍洞鋪覽龍洞短述

因以簡一張百川中丞

渝州龍洞人希聞
千拳百曲鬼工分
藤根倒瀉仙房雨
蘿蔓寒飛靈石雲
長乳短乳懸素相
大珠小珠結碧文
賴得君侯此節斧
却同波注蜀江濱

瞿塘

時久不雨燕之劇賊黃俊為亂與蕭曾孟三臬侯憂焉漫述

瞿塘極自錦霞圍
鳥去龍吟與世遙
急浪高湍來霹靂
白鹽赤甲對崔巍
城連鐵鎖千尋嶮
舟放銀河一線微
列馭共詢兵旱處
不慙旅食滯炎暉

出峽

牛雨半風峽水頭凌虛蕩槩出蘭舟錦江虹氣三湘合
繡石龍文兩岸浮北望

帝家猶縹渺西巡使節獨淹留勞勞去此如超脫萬里
驚濤一日收

宿玉泉寺

秋風冉冉暮山來節使重經禪子臺遠坐玉流千澗落
橫門鐵塔九霄開龜盤隋鼎含蒼霧鳥窠唐碑斷綠苔
寂理渺茫猶夢景額珠心鏡莫虛猜

排律

天津見救日

東王在庵兵憲

光散飛谷道景發明星巔烟駕六螭黃黃騰八埏誰
說麒麟鬪忽擬蝦蟆瘡鳥自慘色流珠不重圓陳兵
人競走擊柝聲如鞠氣聊以厭陽政伊何愆鬱志子
叔泣憤歌盧生篇變異臣所招天子聖且玄

宿普門寺

炎曦苦朱路香刹坐翠陰穴蟲觸夏出簷雀傍晚吟紅

荷名樹散璫葉黃角名樹蔭珠林山嶂變層影溪流來好音

疏堂息喧垢複宇借寂岑聊茲白雲賞蕩我紅塵襟覓
禪悟絕理停軫窺冥心胡為萬里役迺遭二毛侵偶乘
天風順小宿石牀深愧哉案牘吏何得擬投簪

讀顯陵歌思恩賦有感

帝製也睿孝天生粹訓神發迴環莊誦不覺妄述

神聖御九禁孝理服八紘乾靈玉雞出坤符珠麟鳴浪
井浮禎暉華平燦祥英睿懷何所已報典不自盈思向

含春名堂切情從純德名山生蒸蒸觀虞舜孜孜過漢明祇

心宣瓊章苦思播金紘讀之發猛省嗟哉開宿育臣產
非空桑親德終難名悽悽老天地 帝訓不可輕

送張載菴奉御

幼齡抱英志家世列華裾靈濤上池水學窮岐伯書六
微傳妙技九鼎煉神魚振策遊京遠傾貲助國虛衣冠
榮奉御意氣剩噓舒帝里春光合親闈樂事居人生珍
義孝不在跨雕輿

吳三才集

卷二

李陽

國

大正

